

河南通志卷之第二十一

帝王 后妃附

自昔帝王有生於豫者矣有都於豫者矣生者開物成務闢草昧焉都者定鼎營圭歪玉帛焉自庖羲洎三王自東漢洎趙宋詳著編中比於魯史紀周之例至後宮淑慝三代所由廢興也生茲土者可無紀與作帝王志

太皞庖犧氏

風姓代燧人氏繼天而王母曰華胥履德仰則觀象於天俯則觀法於地旁觀鳥獸之文與地之宜近取諸身遠取諸物始畫八卦以通神明之德以類萬物之情造書契以代結繩之政於是始制嫁娶以儷皮為禮結網罟以教佃漁故曰

河南通志

帝王

卷之第二十一

一

宓犧氏養犧牲以為庖厨故曰庖犧有龍瑞以龍紀官號曰龍師作二十五絃之瑟木德王都於陳在位一百一十五年

朱襄氏

自庖犧氏後歷十一氏而至朱襄氏都柘城其時恒風振蕩果木不實朱襄命士達作五絃之瑟以來陰氣定羣生而天下治又曰子襄氏

炎帝神農氏

姜姓母曰女登有媧氏之女為少典妃感神龍而生炎帝長于姜水因以為姓火德王故曰炎帝以火名官斲木為耜揉木為耒耒耜之用以教萬人故號神農氏於是作蜡祭始嘗百草始有醫藥又作五絃之瑟教人日中為市交易而退各得其所遂重八卦為六十四卦初都陳後居曲阜在位一百二十年

黃帝有熊氏

少典之子姓公孫名曰軒轅生而神靈弼而能言幼而徇齊長而敦敏成而聰明時諸侯相侵伐暴虐百姓黃帝乃習用干戈以征不享諸侯咸來賓從而蚩尤最為暴莫能伐黃



帝乃徵師諸侯與蚩尤戰於涿鹿之野遂禽殺之而諸侯尊黃帝為天子代神農氏天下有不順者從而征之未嘗寧居東至于海西至于崆峒南至于江北逐葷粥邑于涿鹿之阿遷徙無常以兵師為營衛以雲紀官舉風后力牧常先大鴻以治民時播百穀草木淳化鳥獸蟲蛾旁羅日月星辰水波土石金玉勞勤心力耳目節用水火財物有土德之瑞故號曰黃帝生二十五年子其得姓者十四人都於軒轅之丘在位百年○按一統志軒轅丘在開封府新鄭縣

帝嚳高辛氏

姓姬名俊黃帝曾孫祖曰玄囂父曰帝極帝生而神靈自言其各普施利物不私其身聰以知遠明以察微順天之義知民之急仁而威惠而信取地之財而節用之撫教萬民而利誨之歷日月而迎送之明鬼神而敬事之其色郁郁其德嶷嶷其動也時其服也土帝嚳既執中而徧天下日月所照風雨所至莫不服從以木德王都於亳在位七十年壽百五歲○按一統志亳今偃師縣是也

河南通志

帝王

卷之第二十一

二

夏禹

姓姁氏名文命黃帝之玄孫鯀之子當帝堯時洪水滔天鯀治水無功於是舜舉鯀子禹使續父業禹既受命傷先人功之不成乃勞身焦思居外十三年三過其門而不入陸行乘車水行乘船泥行乘橈山行乘樅以開九州通九道陂九澤度九山乃相上田草木之宜以作其賦東漸于海西被流沙朔南暨聲教訖於四海於是帝錫禹玄圭以告成功於天下及堯崩舜為天子復代舜典百揆三十三年而舜命以位禹辭辟於陽城弗獲乃以正月朔旦受命于神宗率百官若帝之初國號曰夏在位三十七年壽一百歲○按括地志陽城在今登封縣

帝啓

禹之子克遵父業饗諸侯於鈞臺時有扈氏不服啓召六師以征之大戰於甘誓而有扈氏遂滅在位九年○按括地志鈞臺即今禹州

太康

啓之子荒逸弗恤國事畋於洛水之表十旬弗反有窮后羿因民弗忍距於河弗獲歸國遂都夏陽厥第五人御其母以從後於洛汭作歌以怨之在位二十九年○按括地志陽夏即今太

康縣

仲康

太康弟嗣天子位即命胤侯掌六師以征羲和在位五年

帝相

仲康之子既立為羿所逐依同姓諸侯斟灌斟鄩氏徙居商丘後為寒浞所害在位二十年

七年

商成湯

姓子氏名履黃帝之後主癸之子湯既即位自商丘徙都於亳任伊尹以國政時夏桀為虐湯修德而諸侯咸服遂與弔伐之師放桀於南巢乃踐天子位國號曰商在位十三年壽百歲○按括地志宋州穀熟縣西南三十五里有南亳故城即湯都也

太甲

湯適孫太子太丁子既立不惠於阿衡伊尹乃放之桐宮三年悔過自責反善伊尹乃復迎歸而授之政太甲修德諸侯咸歸故稱太宗在位三十三年

沃丁

太甲子既即位伊尹卒乃委任賢臣咎單遂訓伊尹事作沃丁沃丁在位二十九年

河南通志

帝王

卷之第二十一

三

太庚

沃丁弟在位二十五年

小甲

太庚子在位十八年

雍巳

小甲弟在位十三年

太戊

雍巳弟既立用伊陟為相亳有祥桑穀其生於朝一暮大拱帝太戊懼問伊陟對曰臣聞妖不勝德帝之政其有闕乎帝其修德太戊從之而祥桑枯死殷道復興諸侯歸之故稱中宗在位

七十
六年

仲丁

太戊子既立亳都有河決之害乃自亳遷於囂在位十有三年○按括地志鄭州滎澤縣

西南十七里
即囂地也

外壬

仲丁弟在位五年

河亶甲

外壬弟時囂都又河決乃遷於相在位十年

盤庚 陽甲弟河曹甲第六世孫既立而耿都復有湯之故都因殷民之重遷作書告諭而百姓始寧修湯之政殷道復興在位二十二年

小辛 盤庚弟在位二十二年

小乙 小辛弟在位二十八年

武丁 小乙子即位恭默思道夢上帝賚以良弼乃使人以形旁求於天下得說於傅巖中舉以為相殷國大治在位五十九年○按地里志傅巖即傅說版築之處今陝州河北縣北七里虞號之界是也

祖庚 武丁子在位十七年

祖甲 祖庚弟在位十七年

廩辛 祖甲子在位六年

河南通志

帝王

卷之第二十一

四

庚丁 廩辛弟在位二十一年

武乙 庚丁子既立復去亳徙河北在位四年○按河北即相州州有故殷城今屬彰德府

太丁 武乙子在位四年

帝乙 太丁子在位三十八年

受辛 帝乙子即紂暴戾荒淫百姓怨讟於是周武王率諸侯伐紂陳師牧野紂兵敗走入鹿臺衣其寶玉赴火而死周武王既有天下封其子武庚祿父以續殷祀而殷遂亡○按牧野衛地今衛

輝府

周成王

名誦武王子初武王作邑於鎬是為西都又欲營洛而未果至是成王乃命周公如武王

之意卜澗水東瀍水西為王城而定鼎於郊鄩是為成周以朝會諸侯在位三十七年○按一統志郊鄩即今河南府洛陽縣

宣王

名靜厲王胡之子初厲王出居於彘宣王即位內修政事外攘彘狄周道中興修車馬備器械復會諸侯於東都舉成周久廢之典海內翕然向風諸侯復宗周在位四十六年

平王

名宜白幽王子武王十二世孫以北敵所逼乃自鎬京東遷於維邑是為東周在位五十年

桓王

名林平王孫父洩父未立而卒桓王嗣在位二十三年

莊王

名佗桓王子在位十五年

釐王

名胡齊莊王子在位五年

惠王

名閻釐王子初莊王嬖姬姚生子頹有寵及惠王即位奪其大臣園以為囿故大夫邊伯等伍人作亂謀召燕衛之師以伐惠王惠王奔温立頹為王樂及徧舞鄭號君怒伐殺頹復入惠王在位二十五年○按地里志温河內温縣也

河南通志 帝王

卷之第二十一

五

襄王

名鄭惠王子母早死後母曰惠后生子叔帶有寵於惠王欲立而不克帶與戎翟謀代襄王襄王知之欲誅帶帶奔齊後翟人奉帶入周代襄王告急於晉晉文公納襄王而誅叔帶奉襄王歸周襄王乃賜晉文公珪鬯弓矢為伯以河內地與晉晉復召襄王會之河陽踐土諸侯畢朝春秋諱而書之曰天王狩于河陽在位三十三年○按地里志汜在許州襄城縣一里今屬開封府河陽踐土俱鄭地名今屬懷慶府

頃王

名壬臣襄王子在位六年

匡王

名班頃王子在位六年

定王

名瑜匡王弟元年楚子伐陸渾觀兵於周郊王使王孫滿勞之楚子問鼎之輕重大小滿曰在德不在鼎楚兵乃走在位二十一年○按地里志陸渾縣屬弘農郡即今嵩縣

簡王

名彘定王子在位十四年

靈王 各泄心簡王子 在位二十七年

景王 各貴靈王子在 位二十五年

悼王 各猛景王子在位七 月為王子朝所弑

敬王 各旬景王子猛之母弟晉人逐子朝立之在 位四十四年○按括地志故王城本郟周

公所築在洛州河南縣北九里自平王以下十二 王皆都此城敬王遷都成周至赧王又居王城

元王 各仁敬王子 在位八年

貞定王 各介元王子在 位二十八年

哀王 各去疾定王子在位 三月為弟叔襲所弑

思王 即叔襲在位五月 為弟嵬攻所弑

考王 即嵬攻在 位十五年

河南通志 帝王

卷之第二十一 六

威烈王 各午考王子二十三年九鼎震命 韓魏趙為諸侯在位二十四年

安王 各驕威烈土子 在位二十六年

烈王 各熹安王子 在位十年

顯王 各扁烈王弟在 位四十八年

慎靚王 各定顯王子 在位六年

赧王 各延慎靚王子在位五十九年為秦所攻王 奔秦盡獻其邑三十六秦受之歸其君於周

是歲王崩 周遂亡

東漢世祖光武皇帝

姓劉名秀南陽蔡陽人高祖九 世孫南頓令欽之子初欽為濟

陽令以建平元年十二月甲子夜生光武於縣舍 有赤光照室下者王長占之曰此兆吉不可言是

歲縣界有嘉禾生一莖九穗因名光武曰秀及長 會玉莽篡位天鳳末光武避吏新野因賣穀於宛

宛人李通以圖讖說光武初不敢當然念天下方亂王莽敗亡已兆遂與定謀市兵弩與通從弟軼等起於宛於時海內之士翕然響應乃徇昆陽定陵鄧皆下之是歲九月三輔豪傑共誅王莽傳首請宛時又有邯鄲卜者王郎稱成帝子百姓多信之遂立為天子光武復率諸將鄧禹等攻進邯鄲破之既平諸將固請光武即皇帝位於鄗南定都洛陽元武恢廓大度才明勇畧崇儒術表行義興學校東漢之俗於斯為美焉在位三十三年壽六十一○按一統志南頓屬汝南郡今省入商水縣新野屬南陽宛即今南陽縣也

明帝 名莊光武太子母陰后帝既即位作辟雍創京稱首在位十八年壽四十八

章帝 名炆明帝太子母賈貴人帝既即位厭明帝苛切每事務從寬厚除慘獄之科深元元之愛著胎養之令奉承明德太后盡心孝道割裂名都以建宗親平徭簡賦而人賴其慶又數詔有司

河南通志 帝王 卷之第二十一 七

課農桑慎選舉理冤獄故為藩輔克諧群后德議在位十三年壽三十三

和帝 名肇章帝太子即位年十有四時竇憲尊寵克納讜言以袁安為三公賢相相繼擢用是以民增土闢四藝賓服在位十七年壽二十七

殤帝 名隆和帝子生始百日即帝位陰太后臨朝在位一年

安帝 名祜清河孝王慶之子章帝之孫殤帝崩鄧太后立之是時太后臨朝委政閹宦帝擁虛位而已在位十九年壽三十三

順帝 名保安帝太子即位後黃瓊李固之徒相繼登用東京之士於茲為盛然宦戚與政雖有賢人君子不能救漢祚之衰在位十九年壽三十一

冲帝 名炳順帝太子年二歲立在位一年

質帝 名纘章帝玄孫渤海孝王之子梁太后立之在位一年為梁冀所弑

桓帝 名志章帝曾孫懿吾侯翼之子質帝崩無嗣太后與梁冀迎立之在位二十一年壽三十

六

靈帝 名宏章帝玄孫解瀆亭侯熒之子桓帝無嗣竇太后立之是時宦寺流孽忠義就戮而漢

業衰矣在位二十二年壽三十四

獻帝 名協靈帝中子董卓廢皇子辯為弘農王遂立之及誅董卓曹操竊柄乃遷都於許帝身

播國屯在位三十一年後操子丕篡位奉帝為山陽公○按漢書山陽縣名在今懷慶修武縣西北

魏文帝 姓曹氏名丕沛郡譙人曹操之子漢中常侍曹騰養子嵩之孫曹因亂乘時而興遂移漢

祚及卒丕始篡位都於鄴在位七年壽四十六○按一統志鄴在臨漳縣西二十里

明帝 名叡文帝太子嗣位以來褒禮大臣料簡功能屏絕浮偽容受直言吏民上書一日之間

至數百封雖文辭鄙陋亦省覽究竟無厭倦焉在位十三年壽三十六

河南通志 帝王 卷之第二十一 八

齊王 名芳明帝養子不親機務耽於女謁為司馬師所廢在位十四年

高貴鄉公 名髦文帝孫東海定王霖之子初封鄉縣高貴鄉公因齊王廢而迎立為帝後

見威權日久不勝其忿曰司馬昭之心路人所知也吾不能坐受廢辱今日當自出討之遂拔劍升

輦率殿中宿衛蒼頭官僮鼓譟而出中護軍賈充自外逆戰於南闕下太子舍人成濟抽戈刺之髦

殞於車下在位七年壽二十一

陳留王 名奐武帝孫燕王宇之子初封常道鄉公及高貴鄉公被弑公卿迎立之在位五年

禪於晉因奉為陳留王魏遂亡

晉世祖武帝 姓司馬氏名炎河內溫縣人懿之孫昭之子仕魏襲封晉王遂取魏而代之是

為晉武帝在位二十五年壽五十五

惠帝 名衷武帝太子姓顛駭而賈后凶悍多權累每欲干預朝政為太傅楊駿所抑遂構駿以

謀反殺之廢太后毒殺太子趙王倫率兵討之王戎等奉帝北征至安陽敗績乃幸鄴劉元海復遣人攻之帝單車還洛從齊王冏等復討倫殺之乘輿反正明年帝食餅中毒而崩在位十七年壽四十八

懷帝 名熾武帝第二十五子惠帝無子遂嗣立時劉曜石勒屢攻洛陽帝欲請河陰為遷都之計乃出西掖門至銅駝街為盜所追而還及曜等入京師焚燒宮廟帝遂蒙塵於平陽劉聰以帝為會稽公在位六年壽三十

愍帝 名鄴武帝孫吳孝王晏之子及懷帝被害大臣立以為帝時洛陽傾覆避難於滎陽未幾荀藩等奉帝至長安及長安陷帝出降遂遇害在位四年年十八○按滎陽今屬開封府

後魏孝文帝 本姓拓跋氏改姓元氏名宏獻文帝之子始生於平城宮中及嗣位遷都洛陽仁孝恭儉制禮作樂為魏之賢主江左五朝皆莫及也在位二十九年壽三十三

河南通志

帝王 **卷之第二十一** 九

宣武帝 名恪孝文帝長子弱冠即位不能親決萬幾委任小人濁亂國政魏氏基業衰於此矣在位十六年壽三十三

孝明帝 名詡宣武帝子即位年六歲母胡太后臨朝嬖倖用事封疆呂蹇太后欲久專政乃鳩殺帝立其幼主在位十三年壽二十九

孝莊帝 名子攸彭王勰之次子初孝明帝崩胡后立幼子釗爾朱榮舉兵弑之乃迎帝即位榮以討賊為名實蓄不臣之志帝因刺殺之後爾朱世隆與爾朱兆復弑帝立長廣王曄在位一年壽二

十四 **節閔帝** 名恭廣陵惠王羽之子爾朱世隆既弑莊氏入洛陽以節閔帝英毅難制遂廢之在位二年壽三十五

孝武帝 名修廣平武穆王懷之子高歡既廢節閔乃迎帝即位歡專恣帝密謀討之歡覺遂

謀反殺之廢太后毒殺太子趙王倫率兵討之王戎等奉帝北征至安陽敗績乃幸鄴劉元海復遣人攻之帝單車還洛從齊王冏等復討倫殺之乘輿反正明年帝食餅中毒而崩在位十七年壽四十八

自晉陽擁兵至洛帝奔長安依宇文泰未幾為泰所弒在位三年壽二十五

東魏孝靜帝

名善見清河王亶之子孝武既入關高歡至洛陽奉孝靜即帝位因北遷於鄴是為東魏魏於此分為二矣在位十七年禪于齊未幾遇害壽二十八

北齊文宣帝

姓高氏名洋歡之子渤海人初受東魏之禪都於鄴國號北齊在位十年壽三

十一

廢帝

名殷文宣太子立一年常山王演廢之壽十七

孝昭帝

名演即常山王文宣母弟在位二年壽二十七

武成帝

名湛孝昭介弟初孝昭幸晉陽帝守鄴孝昭崩遂即位親狎庸豎朝政盡隳在位四

年壽三十三

後主

名緯武成子即位後日事游晏委政匪人以邊警告急受禪太子在位十三年壽二十三

河南通志

帝王

卷之第二十一

十

唐昭宗

名晔懿宗第七子始封壽王嗣位拾陸年車駕發長安朱全忠毀長安宮室劫帝遷都洛

陽壽三十八

哀帝

名祝昭宗第九子始封暉王全忠弒昭宗乃矯詔立為皇太子天祐初即位於柩前後為

梁所害在位三年壽十七唐遂亡

後梁太祖

姓朱氏名溫後更名晃宋州碭山人初從黃巢為亂既降唐拜汴州刺史宣武軍節

度使賜名全忠後滅唐稱帝都於汴在位七年為子友珪所弒壽六十一

末帝

名友貞太祖第三子初封為均王及太祖遇弒乃起義討賊遂誅友珪即位於汴未幾後

唐代之乃自殺而後梁亡在位十一年壽三十六

後唐莊宗

本姓朱邪名存勗沙陀人先世事唐賜姓李氏父克用初封晉王存勗既襲父爵遂

滅梁稱帝國號後唐都於汴在位三年壽四十二

明宗 名嗣源本胡人晉王克用養子及莊宗被殺
為鄴叛卒擁立每夕焚香祝天曰某本胡人

因亂為眾所推願天早生聖人為生民主帝性不
猜忌與物無競雖目不知書而其所為暗合古訓

三穀屢豐兵革罕用校於五代
祖為小康在位八年壽六十七

閔帝 名從厚明宗第五子初封宋王明宗崩帝嗣
位五月潞王兵入汴廢之尋復弒壽二十一

廢帝 名從珂本姓王氏鎮州平山人明宗養子初
封潞王既廢閔帝而自立未幾石敬瑭以兵

入洛遂自焚死在
位二年壽四十五

後晉高祖 姓石氏名敬瑭沙陀人明帝之婿初與廢
帝有隙以北京留守借契丹兵入洛遂滅

唐卽位國號後晉都於汴乃割幽薊
十六州與契丹在位七年壽五十七

出帝 名重貴高祖兄敬儒之子初封齊王高祖無
嗣大臣迎立之在位四年為契丹執之以歸

而後
晉亡

河南通志 帝王 卷之第二十一 十一

後漢高祖 姓劉氏名嵩初名知遠其先沙陀部人仕
後晉以功封北平王及出帝被執乃卽位

於晉陽遷都于汴國號後
漢在位二年壽五十四

隱帝 名承祐高祖第二子初封周王
嗣位三年被弒壽二十後漢亡

後周太祖 姓郭氏名威邢州堯山人仕後漢為樞密
副使以鄴都留守擁兵入汴隱帝遇害遂

卽位國號後周在
位三年壽五十三

世宗 姓柴氏名榮邢州龍崗人大祖后兄守禮之
子太祖無嗣養以為子後因嗣位取秦隴平

淮右考制度延儒碩嘗見種禎均田圖
慨朕有志於復古在位六年壽三十九

恭帝 名宗訓世宗太子初封梁王年七
歲嗣位半年禪於宋而後周亡

宋太祖 姓趙名匡胤其先涿郡人唐天成二年生於
洛陽夾馬營容貌雄偉器度豁如性孝友節

儉仕周為殿前都檢點以功進歸德節度使建隆
元年遂受禪國號宋都於汴務農興學慎罰薄斂

與民休息迄於治平
在位十七年壽五十一

太宗

名匡義賜改光義復改名昞太祖母弟沉謀
英斷好學重儒數從太祖征伐有功封為晉

王後太祖承母后之意以國讓弟及崩帝遂即位
好文守成一統天下在位二十二年壽五十九

真宗

名恒太宗第三子初封壽王後立為皇太子
繼守承平之業又得李沆寇準為相內外無

事四海又安在位二十五年壽五十五

仁宗

名禎真宗第六子初封昇王後冊為皇太子
嗣位以來用賢圖治天下晏朕恭儉之心仁

恕之德終始如一在位四十二年壽五十四

英宗

名曙仁宗從兄允讓第十三子初封鉅鹿郡
公以睿哲之資膺繼統之命臨政必問故事

與古治所宜每有裁決皆出群臣意表在位四年壽三十六

神宗

名頊英宗長子初封穎王後立為皇太子英
宗崩遂即位勵精求治將大有為熙豐間用

河南通志

帝王

卷之第二十一

十一

王安石而議行新法用兵西北卒無成功在位十八年壽三十八

哲宗

名煦神宗第六子初封延安郡王後立為皇
太子神宗崩遂即位初高太后輔政召用諸

賢罷廢新法元祐之政庶幾仁宗及高后崩而黨籍興矣在位十五年壽二十五

徽宗

名佶神宗第十一子初封為端王哲宗崩無
嗣皇太后立之在位二十五年禪位於太子

靖康二年金陷中原遂北狩至紹興五年殂於五國城壽五十四

欽宗

名桓徽宗太子初封定王金人入寇徽宗遂
禪位又二年金人陷中原帝亦北狩後十四

年殂於五國城壽六十一○按宋自太祖至欽宗皆都汴高宗以後都杭

后妃

周申后

姜姓其先本神農之後分封於申周幽王娶
其女以為后故云申后生太子宜臼後幽王

嬖褒姒廢申后及宜臼故后作白華之詩以警之

漢光武光烈皇后陰氏

名麗華新野人初帝適新野

見執金吾歎曰仕宦當作執金吾娶妻當得陰麗華更始元年納后於宛時年十九帝西之洛陽令

后歸新野及即位乃迎后入洛為貴人帝以后雅性寬仁欲崇以尊位后固辭乃止遂立郭后建武

四年從征彭寵生明帝於元氏十七年始廢郭后而立以為后后在位恭儉少嗜玩不喜笑謹性仁

孝多矜慈自七歲失父雖已數十年言及未嘗不流涕焉明帝即位尊后為太后壽六十合葬原陵

和帝皇后陰氏

光烈皇后兄執金吾識之曾孫女后少聰慧善書藝永元四年選入掖庭為貴人八年立為后十四

年坐呪詛事廢遷桐宮以憂卒

和熹皇后鄧氏

名綏新野人和帝之后太傅禹孫女父訓護羗校尉母陰氏光烈后

從弟女也后年五歲太傅夫人甚愛之通詩論語諸書每讀經傳輒下意問難母非之后重違母言

畫修婦業暮誦經典家人號曰諸生初入掖庭為貴人時年十六恭肅小心動有法度且善事陰后

河南通志

帝王

卷之第二十一

三

克已以御同列和帝深嘉之後陰后以巫蠱事廢始立后為皇后帝崩殤帝立尊為皇太后壽四十一合葬

順陵

安帝皇后閻氏

名姬滎陽人元初元年以選入掖庭為貴人二年立為后安帝官人

李氏生皇子保后妬之鳩殺李氏請皇子保廢之為濟陰王立北鄉侯懿為帝尊后為皇太后後懿

卒保立為順帝遷后於離宮以憂卒

桓帝皇后鄧氏

名猛和熹皇后從兄子香之女永興中選入掖庭為采女梁后崩始

立為皇后八年坐驕忌廢以憂卒

靈帝靈思皇后何氏

南陽宛人以選入掖庭生享子協拜為貴人元和三年立

為后後協立尊為皇太后

蜀漢先主穆皇后吳氏

陳留人從兄吳壹入蜀先主所立益州而孫夫人還吳於

是納后爲夫人等立爲后及後主卽位尊爲皇太后合葬惠陵

吳主權敬懷皇后王氏

南陽人初選入宮嘉禾中得幸生孫休先卒葬公安及休

卽位追尊曰敬懷皇后改葬敬陵

魏主叡明悼皇后毛氏

河內人黃初中選入東宮帝卽位以爲貴嬪太和元年立

爲皇后葬愍陵

明元皇后郭氏

西平人黃初中本郡叛遂沒入宮帝卽位愛幸拜爲夫人後立爲皇

后葬高平陵

晉明帝明穆皇后庾氏

名文君鄆陵人軍諮祭酒琛之女明帝爲太子時聘爲妃

及帝卽位立爲皇后成帝卽位尊爲皇太后

康帝康獻皇后褚氏

名蒜子陽翟人侍中衛將軍哀之女少以名家入爲瑯琊

河南通志

帝王

卷之第二十一

古

王妃康帝卽位立爲皇后穆帝卽位尊爲皇太后

廢帝孝皇后庾氏

名道伶鄆陵人米之女初爲東海王妃及帝卽位立爲皇后葬

敬平陵

恭帝恭思皇后褚氏

名靈媛陽翟人爽之女初爲瑯琊王妃元熙元年立爲皇

后及帝禪位降爲零陵王妃祔葬冲平陵

南宋文帝元皇后袁氏

名齊嬀陽夏人左光祿大夫湛之女少適文帝生子邵元

嘉十七年崩

後廢帝皇后江氏

名簡珪考城人初納爲太子妃及太子立爲帝冊爲皇后帝既

廢降爲蒼梧王妃

順帝皇后謝氏

名梵境陽夏人車騎功曹颺之女順帝立冊爲皇后及帝禪位降爲

汝陽 王妃

南齊東昏皇后褚氏

名令璩陽翟人太常澄之女初東昏為太子時納為妃及即位

立為皇后東昏廢降為庶人

陳宣帝皇后元氏

名樂尚洛陽人開府晟之女入宮為貴妃後立為皇后帝崩出俗為

尼貞觀中卒

後魏明元帝皇后杜氏

鄴郡人以良家子選入太子宮中生太武帝拜貴嬪及太

武即位尊為皇太后

文帝文皇后乙弗氏

洛陽人瓊之女文帝納為妃及即位立為皇后後遜居別

宮為尼卒

隋文帝文獻皇后獨孤氏

名伽羅洛陽人周大司馬衛公信之女初信見文帝

河南通志

帝王

卷之第二十一

圭

有奇表遂妻之及帝受禪立為皇后時突厥嘗與中國貿易有明珠一匣價值八百萬有白后取之者后曰非我所須也當今外庭屢寇將士罷勞未若以八百萬分賞有功者百寮聞而畢賀仁壽二年崩葬太陵

唐太宗文德皇后長孫氏

洛陽人驍騎衛將軍晟之女初歸太宗於藩邸及帝

即位立為皇后后喜圖傳視古善惡以自鑒嘗著女則十篇又為論斥漢馬后不能檢抑外家矜尚禮法性約素服御取給則止每遇後庭有被罪者后侯帝意稍解徐為開喻終不令有寬貞觀十年后寢疾太子欲請大赦汎度道人翼蒙福祐后固止之及大漸請帝勿用起墳但因山而葬所需器物皆以木瓦儉薄為之壽三十六葬昭陵

肅宗皇后張氏

鄧州向城人去逸女初入東宮拜淑妃繼立為后能率寵與政帝大

漸后因謀廢太子李輔國等矯詔廢而殺之

宋太祖孝惠皇后賀氏

開封人景思之女性溫柔恭順動以禮法初宣祖為太祖

聘焉後太祖為節度使封會稽郡夫人顯德五年崩建隆三年追冊為皇后

孝章皇后宋氏

洛陽人左衛上將軍偓之女乾德五年太祖召見賜冠帔開寶初納

為皇后性柔順好禮每帝視朝退常具冠帔候接太宗即位號開寶皇后居西宮至道元年崩

太宗淑德皇后尹氏

鄴郡人刺史廷勛女太宗在周時娶之早薨及帝在位追

冊為皇后
葬孝明陵

懿德皇后符氏

宛丘人魏王彥卿女周顯德中歸太宗及太宗為晉王封越國夫人

開寶元年薨葬安陵後太宗即位追冊為皇后

仁宗溫成皇后張氏

河南永安人進士堯封女初入宮為才人皇祐初進貴妃

後五年薨追冊為皇后

河南通志

帝王

卷之第二十一

六

昭節貴妃苗氏

開封人繼宗女初侍仁宗拜昭容德妃後英宗即位念妃有擁佑功

進貴妃元祐六年薨

昭淑貴妃周氏

開封人初張貴妃育以為女稍長遂得侍仁宗仁宗崩妃每日蔬食

屏處徽宗立加貴妃年九十三薨

神宗欽聖皇后向氏

河內人故相敏中曾孫女治平三年歸於潁邸封安國夫

人及神宗即位立為皇后哲宗立尊為皇太后徽宗立請權同處分軍國事以長君辭帝泣拜移時乃聽凡紹聖以還所斥逐賢大夫士稍稍收用之每聞賓召故老寬徭息兵愛民崇儉之舉則喜見于色纔六月即還政云

欽成皇后朱氏

開封人熙寧初入宮為神宗侍御進婕妤好生哲宗哲宗即位尊為皇

太妃崇寧元年薨追冊為皇后陪葬永裕陵

欽慈皇后陳氏 開封人初入宮為神宗侍御生徽宗進美人未幾薨建中靖國初追冊為皇后陪葬永裕陵

哲宗昭慈皇后孟氏 洛州人太尉元之孫女初高太后選入宮教以女儀元祐間冊為皇后紹聖三年坐禱祠廢居瑤華宮元符末以布衣上書因詔后還內號元祐皇后崇寧初郝隨諷蔡京再廢后徽宗從之欽宗立再復后號為元祐太后年五十九崩

徽宗顯恭皇后王氏 開封人刺史藻之女初歸徽宗於端邸封順國夫人及徽宗即位冊為皇后生欽宗大觀二年崩葬裕陵之次

顯肅皇后鄭氏 開封人直省官紳之女侍徽宗於后及欽宗受禪尊為太皇太后從徽宗北狩

顯仁皇后韋氏 開封人初入宮為侍御累遷婉容生高宗從徽宗北狩及高宗即位

河南通志 帝王 卷之第二十一 七

遙尊為宣和皇后紹興十二年歸于禁中年八十崩

欽宗仁懷皇后朱氏 祥符人節度使伯材女初為太子妃欽宗即位立為皇后

從帝北狩慶元三年遷上尊號祔於太廟

高宗憲節皇后邢氏 祥符人朝請即渙之女初歸高宗於康邸封嘉國夫人及

高宗即位立為皇后

憲聖皇后吳氏 開封人近之女初高宗在維陽納之累進婉儀後進貴妃紹興十三

年立為皇后孝宗即位尊為皇太后后嘗繪古烈女圖置座右為鑒又取詩序之義編其堂曰賢志

慶元三年崩葬永思陵

賢妃潘氏 開封人永壽女初高宗在藩邸納之及即位生元懿太子進位賢妃紹興十八

年薨

貴妃張氏

祥符人累封婉容淳熙七年封太
上皇淑妃再進貴妃紹興元年薨

孝宗成穆皇后郭氏

祥符人奉直大夫直卿之孫
女初孝宗納之封咸寧郡夫

人紹興二十六年薨後孝宗即位
追冊為皇后謚恭懷尋改成穆

光宗慈懿皇后李氏

安陽人節度使道之女初為
光宗元妃生寧宗及光宗受

禪立為后寧宗立
尊為太上皇后

寧宗恭淑皇后韓氏

相州人忠獻王琦七世孫女
初歸寧宗於平陽郡邸封新

安郡夫人及寧宗
受禪冊為皇后

明仁宗誠孝恭肅皇后張氏

永城人彭城侯麟之女
永樂中選為東宮妃洪

熙元年立為后未幾仁宗崩后
歷宣英二廟至正統七年崩

熹宗皇后張氏

祥符人太康
伯國紀之女

河南通志

帝王

卷之第二十一

六

河南通志卷之第二十一

終